



Պայծառակերպությունը կամ Վարդավառը այս տարի նշվում է հուլիսի 27-ին: Այն հայ Առաքելական եկեղեցու հինգ տաղավար տոներից է, որ խորհրդանշում է Քրիստոսի պայծառակերպությունը Պետրոս, Հովհաննես և Հակոբոս առաքյալների առջև Թաբոր լեռան վրա: Քրիստոսի պայծառակերպության մասին պատմում են ավետարանիչները (Մատթ. Ժ 1-13, Մարկ. Թ1-12 և Ղուկ.Թ 28-36): Հայ եկեղեցում Քրիստոսի պայծառակերպությունը տոնվում է Զատիկից 98 օր հետո՝ հունիսի 28-ից մինչև օգոստոսի 1-ը ընկած ժամանակահատվածում: Ժողովուրդն այն կոչում է նաև Վարդավառ: Պայծառակերպության տոնին հաջորդող երկուշաբթի օրը մեռելոց է, երբ հավատացյալները սուրբ պատարագի ավարտին տոնի ավետիսը տանում են իրենց ննջեցյալներին: Նույն օրը եկեղեցում և շիրիմների վրա կատարվում են հոգեհանգստյան արարողություններ:

25.07.14.